

ATURAN URUSAN MESYUARAT

HARI JUMAAT, 18HB DISEMBER, 1981 PUKUL 3.00 PETANG

Bil. 21

1

PERTANYAAN-PERTANYAAN BAGI JAWAB MULUT

- *1. Puan Hajjah Salmah binti Sheikh Hussain minta Menteri Hal Ehwal Dalam Negeri menyatakan jumlah anggota-anggota Polis yang telah diambil tindakan di atas berbagai-bagai kesalahan dan nyatakan jumlah yang :-
- (a) dibuang kerja;
 - (b) digantung kerja; dan
 - (c) dihadapkan ke mahkamah.
- *2. Tuan Loo Swee Mok minta Menteri Kerjaraya dan Kemudahan-kemudahan Awam menyatakan, memandangkan beberapa kemalangan serius telah berlaku di lebuh raya Seqamat/Kuantan berpunca dari kelalaian nemborong mengkambus balik lubang-lubang yang dikorek dan menyediakan tanda-tanda perlu untuk memberi amaran awal kepada pemandu-pemandu kereta, tindakan yang telah dan akan diambil oleh Kementerian untuk menjamin keselamatan pemandu-pemandu.
- *3. Tuan Haji Azlan Kinjawan minta Perdana Menteri menyatakan bilangan Bumiputra yang telah melabur dalam Amanah Saham Nasional dan jumlah pelaburan mereka setakat ini.
- *4. Puan Rahmah Othman minta Menteri Pelajaran menyatakan sama ada beliau sedar bahawa Dewan Bahasa dan Pustaka yang dibentuk dengan tujuan antaranya seperti yang terdapat dalam bahaqian 2 ceraiian 5 (i) (iv) dalam akta Dewan Bahasa dan Pustaka 1959 tidak diberi kuasa untuk menguatkuasakan pelaksanaan penggunaan Bahasa Kebangsaan dan sama ada beliau akan mengambil tindakan untuk meminda akta tersebut.
- *5. Datuk G. Pasamanickam minta Menteri Penerangan menyatakan sama ada beliau sedar bahawa penuntun-penuntun India tidak berpuashati dengan cuma rancangan seperti Berita Tumpuan Minggu dan Tayangan Filem Tamil dan apakah Kementerian akan menambahkan lagi rancangan-rancangan untuk penuntun India seperti mengadakan sandiwara Tamil setiap minggu.
- *6. Tuan S. Subramaniam minta Menteri Penerangan menyatakan dari bila masanya boleh rancangan Berita Bergambar akan disiarkan di Televisyen Malaysia pada tiap-tiap minggu dan bukannya sebulan sekali seperti sekarang.
- *7. Tuan Haji Iben Yacob bin Haji Engku Yunus minta Menteri Kesihatan menyatakan sama ada beliau bercadang bagi mengadakan doktor perempuan untuk merawat ibu-ibu yang bersalin, kecuali bagi kes-kes tertentu sahaja yang boleh dirawat oleh doktor lelaki.

*8. Tuan V.V. Abou minta Menteri Kewangan menyatakan:-

- (a) sama ada beliau sedar bahawa terdapat sebilangan syarikat-syarikat Insuran yang menjalankan perniagaan di negara ini dan segala hasil keuntungan dari syarikat tersebut dihantar dan digunakan untuk sesuatu tujuan di luar negeri; dan
- (b) adakah beliau bercadang untuk mengadakan satu undang-undang supaya semua keuntungan Syarikat-syarikat Insuran di negara ini tidak boleh dibawa ke luar negeri.

*9. Dato Haji Mohd. Nor Mohamad minta Menteri Perdagangan dan Perindustrian menyatakan sebanyak mana tanaman modal datang daripada Britain dalam tempoh sembilan bulan hingga bulan September, 1981 dan sebanyak mana jumlah kesemuanya dari mula hingga ke September 1981; dan nyatakan jenis-jenis perindustrian di mana penanaman ini ditujukan.

*10. Tuan Ishak bin Abdul Rahman minta Menteri Pelajaran menyatakan sama ada beliau sedar bahawa biasiswa kecil Persekutuan untuk penuntut-penuntut sekolah Menengah sebanyak \$20.00 sebulan adalah tidak mencukupi, jika ya, nyatakan sama ada beliau bercadang untuk menambah peruntukan tersebut.

*11. Puan Ragayah binti Ariff minta Menteri Hal Ehwal Dalam Negeri menyatakan jumlah pendatang-pendatang haram yang masih ada di dalam negara kita dan adakah semua pendatang-pendatang haram ini diberi pengawasan yang rapi supaya mereka tidak akan melakukan angkara buruk yang boleh menjejaskan kententeraman negara.

*12. Dato Hajjah Fatimah binti Haji Salim minta Menteri Pertahanan menyatakan sama ada benar tentera-tentera kita menggunakan peluru-peluru yang diimport dari luar negeri dan jika benar, sama ada beliau akan mengambil tindakan segera supaya alat-alat seperti ini dibuat atau diproses di dalam negeri untuk menjamin bekalan yang cukup pada masa peperangan.

*13. Datuk Ismail bin Hashim minta Menteri Kesihatan menyatakan sama ada beliau sedar bahawa ramai Pakar-pakar Perubatan di Hospital-hospital Kerajaan meletakkan jawatan dan membuka klinik sendiri dan jika sedar apakah tindakan beliau akan ambil supaya Hospital-hospital Kerajaan sentiasa cukup dengan perkhidmatan pakar-pakarnya.

*14. Dr. Choo Kooi Fook minta Menteri Perusahaan Awam menyatakan:-

- (a) sama ada Kementeriaannya mempunyai polisi tertentu dalam memberikan sesuatu lesen kereta teksi kepada pemohon-pemohon yang kehidupannya benar-benar bergantung kepada memandu teksi; dan
- (b) sama ada beliau dapat memberikan keutamaan kepada mereka yang mempunyai lebih 10 tahun pengalaman dan kemungkinan menetapkan tempoh 5 tahun pengalaman sebagai syarat minima yang melayakkan seseorang itu untuk diberikan lesen teksi.

*15. Dato' Yap Peng minta Perdana Menteri menyatakan sama ada beliau berpuashati dengan kadar pertumbuhan social integrasi di negeri ini dan sama ada keutamaan akan diberi kepada perkara ini supaya masyarakat berbilang bangsa dalam negeri ini akan hidup berdisiplin dan berharmoni sesuai dengan Dasar Ekonomi Baru dan sama ada beliau akan mengisi jawatan Pengerusi Perpaduan Negara yang sudah lama dikosongkan.

- *16. Datuk Haji Mohd. Din bin Jaafar minta Menteri Perdagangan dan Perindustrian menyatakan bilangan Pelabur-pelabur Jepun di negara ini yang telah dan akan memindahkan kemahiran teknologi kepada Warganegara Malaysia.
- *17. Tuan Tan Chang Soong minta Menteri Pertanian menyatakan jumlah penghasilan ikan dalam negara ini dan memberikan bandingan bekalan dan penggunaan rakyat jelata kita dan jika ada satu kekurangan, menyatakan langkah-langkah yang sedang diambil atau akan diambil supaya menjamin kecukupan sendiri.
- *18. Tuan Abdul Razak bin Haji Abu Samah minta Menteri Pelajaran menyatakan tindakan terhadap pihak-pihak yang terlibat dalam penyalahgunaan anggota-anggota dan pancaragam sekolah bagi mengiringi perarakan dan upacara kematian.
- *19. Dato' Haji Mahmoud Salim bin Haji Mohamad minta Menteri Pembangunan Negara dan Luar Bandar menyatakan:-
- (a) jumlah kampung dan jumlah rumah yang terlibat dalam rancangan pemulihan kampung sejak Rancangan Pemulihan Kampung dilancarkan; dan
 - (b) sama ada bantuan yang diberikan kepada orang-orang tua yang tidak berupaya hanya terhad kepada maksima \$1,000 sahaja untuk membaiki pondok-pondok mereka yang sudah buruk dan nyatakan juga pihak yang bertanggungjawab untuk menjalankan kerja membaiki atau mendirikan rumah usang itu.
- *20. Tuan K. Kumaran minta Menteri Perumahan dan Kerajaan Tempatan menyatakan:-
- (a) bilangan unit rumah murah yang telah didirikan dalam Rancangan Malaysia ke 3 oleh pihak-pihak swasta dan juga Kerajaan dan bilangan rumah yang diperuntukkan kepada rakyat keturunan India semasa itu; dan
 - (b) apakah rancangan Kementerian untuk meningkatkan lagi pendirian rumah kos rendah dalam Rancangan Malaysia ke 4 dan apakah rancangan bagi rakyat keturunan India mendapat memiliki lebih banyak rumah lagi.
- *21. Tuan Haji Ibrahim Abdullah minta Menteri Perdagangan dan Perindustrian menyatakan langkah yang diambil oleh Kerajaan untuk menggalakkan perniagaan Bumiputra mencapai quota 30% di dalam urusan perdagangan antarabangsa menjelang tahun 1990.
- *22. Tuan Syed Kamarulzaman bin Syed Bahaldin minta Menteri Pertanian menyatakan sama ada beliau sedar bahawa kira-kira 30 orang pegawai Lembaga Pertubuhan Peladang sekarang yang telah berpisah dari Jabatan Kemajuan Kerjasama sebagai ekor dari penubuhan LPP mendapati diri mereka jauh ketinggalan di belakang dari segi gaji dan pangkat jika dibandingkan dengan bekas teman sejawatnya di jabatan asal. Jika sedar, apakah tindakan-tindakan yang akan diambil bagi membetulkan keadaan ini.

- *23. Datuk Ismail bin Hashim minta Menteri Hal Ehwal Dalam Negeri menyatakan berapa banyakkah pesalah-pesalah yang telah dibuang Daerah/Negeri dari bulan Januari 1980 hingga sekarang.
- *24. Tuan Ishak bin Abdul Rahman minta Menteri Pelajaran menyatakan sama ada benar bahawa kelemahan murid-murid di sekolah rendah dalam mata pelajaran jawi adalah disebabkan:-
- (a) guru yang kurang terlatih;
 - (b) tidak cukup masa yang diperuntukkan;
 - (c) buku pelajaran ugama Islam ditulis dalam huruf rumi; dan
 - (d) kurang bahan bacaan dalam tulisan jawi; jika benar nyatakan tindakan yang sedang dan akan diambil untuk mengatasi kelemahan pelajaran ini.
- *25. Tuan Haji Ariffin bin Haji Salleh minta Menteri Pertanian menyatakan adakah pihaknya sedar terhadap penyeludupan ayam dari Thailand ke Kelantan secara besar-besaran menyebabkan mata pencarian para penternak ayam di Kelantan sekarang sangat terancam; jika sedar, apakah tindakan yang beliau akan ambil.

ATURAN URUSAN MESYUARAT

1.	(DN. 1/81)	Rang Undang-undang Waktu Standard Malaysia	Bacaan Kali Yang Kedua
2.	(DR. 25/81)	Rang Undang-undang Perbekalan Tambahan (1980 dan 1981)	"
3.	(DR. 20/81)	Rang Undang-undang Kewangan (No.2)	"
4.	(DR. 29/81)	Rang Undang-undang Galakan Pelaburan (Pindaan) (No. 2)	"
5.	(DR. 27/81)	Rang Undang-undang Bank Negara Malaysia dan Bank (Pindaan)	"
6.	(DR. 13/81)	Rang Undang-undang Wilayah Persekutuan (Perkiraan Kewangan)	"
7.	(DR. 17/81)	Rang Undang-undang Kumpulan Wang Simpanan Pekerja (Pindaan)	"
8.	(DR. 16/81)	Rang Undang-undang Membaharui Undang-undang (Penghapusan Samsu Gelap) (Pindaan)	"
9.	(DR. 18/81)	Rang Undang-undang Mahkamah Kehakiman (Pindaan)	"
10.	(DR. 23/81)	Rang Undang-undang (Perancangan) Wilayah Persekutuan.	"
11.	(DR. 24/81)	Rang Undang-undang Ibu Kota Persekutuan (Pindaan)	"
12.	(DR. 19/81)	Rang Undang-undang Keistimewaan Diplomatik (Konvensyen Vienna) (Pindaan)	"
13.	(DR. 21/81)	Rang Undang-undang Pejabat Pos (Pindaan)	"
14.	(DR. 22/81)	Rang Undang-undang Harta Pesaka Kecil (Pembahagian) (Pindaan)	"

/sz.